


十誦律



三百十四
次四

49888



元祿九年丙子二月日重刊

皇國聖德太子御製

佛日塔轉藏卷

山崎州天安寺法金剛院置

佛日塔轉藏卷

13
545

十誦律卷第四十四

一

收

姚秦三藏弗若多羅共三藏鳩摩羅什譯

第七誦之三

尼律不共單提

佛在舍衛國介時加羅比丘尼本是外道共
 諸比丘尼鬪諍時自作法呪泥犁呪若汝謗
 我是事者令汝不得四念處四正勤四如意
 足五根五力七覺八道令汝世世墮地獄畜
 生餓鬼若我有是事者令我不得四念處四
 正勤四如意足五根五力七覺八道當出出
 墮地獄畜生餓鬼是中有比丘尼少欲知足
 行頭陀聞是事心不喜種種因緣呵責言云
 何名比丘尼共比丘尼鬪諍時作法呪泥犁呪



種種因緣呵已向佛廣說佛以是事集二部
僧知而故問迦羅比丘尼汝實作是事不答
言實作世尊佛以種種因緣呵責云何名比
丘尼共比丘尼鬪諍時作法呪泥犁呪種種
因緣呵已語諸比丘以十利故與比丘尼結戒
從今是戒應如是說若比丘尼共比丘尼鬪
諍時作法呪泥犁呪波逸提波逸提者燒煮
覆障若不悔過能障礙道是中犯者若比丘
尼共比丘尼鬪諍時作法呪泥犁呪作是言
若汝以此事謗我者令汝不得四念處波逸提
不得四正勤四如意足五根五力七覺八道
皆波逸提若言汝當世世墮地獄波逸提墮

畜生餓鬼皆波逸提若言我有是事者令我
不得四念處四正勤四如意足五根五力七
覺八道皆波逸提若言我世世墮地獄畜生餓
鬼皆波逸提隨作是語隨得十九所波逸提

三事
竟

佛在舍衛國二時偷蘭難陀比丘尼有共行
弟子名施越沙善好樂持戒喜忘師教今舉
物著異處餘處求須是物時覓不能得又時
偷蘭難陀比丘尼從聚落還弟子施越沙往
迎欲代持衣鉢却身不與施越沙即瞋語諸比
丘尼言我不偷奪和上尼不信我語比丘尼
言云何不一信師行來還我於道中迎欲代持

鉢却身不與我欲代持衣又却身不與諸比丘
居往語偷蘭難陀比丘居言汝弟子善好持
戒何故不信荅言我云何不信諸比丘居言
汝弟子欲代汝持鉢却身不與欲代汝持衣
又却身不與偷蘭難陀比丘居言我非不信
是人喜忘舉物異處便餘處覓若須物時覓
不能得是故不與是中有比丘居少欲知足
行頭陀聞是事心不喜種種因緣呵責云何
名比丘居不審諦看物便嫌恨種種因緣呵
已向佛廣說佛以是事集二部僧知而故問
施越沙比丘居汝實作是事不荅言實作也
尊佛以種種因緣呵責云何名比丘居不審

諦看物便嫌恨種種因緣呵已語諸比丘以
十利故與比丘尼結戒從今是戒應如是說
若比丘尼不審諦看物便嫌恨波逸提波逸
提者燒煮覆障若不悔過能障礙道是中犯
者若比丘尼不審諦看物便嫌恨波逸提隨
嫌恨隨得尔所波逸提

九十
四竟

佛在王舍城與多比丘僧王舍城安居舍利
弗目連阿那律難提金毗羅等是諸大弟子
皆共佛安居尔時諸比丘尼夏中遊行到他
國土行時殺諸生草小虫諸居士瞋呵責言
佛與大眾舍利弗目連阿那律難提金毗羅
等王舍城安居是諸比丘尼自言善好有功

德夏中遊行諸國殺諸生草小虫是中有比丘
比丘少欲知足行頭陀聞是事心不喜種種
因緣呵責言云何名比丘比丘夏中遊行諸國
殺諸生草小虫種種因緣呵已向佛廣說佛
以是事集二部僧知而故問諸比丘比丘汝實
作是事不荅言實作世尊佛以種種因緣呵
責言云何名比丘比丘夏中遊行諸國殺諸生
草小虫佛以種種因緣呵已語諸比丘以十
利故與比丘比丘結戒從今是戒應如是說若
比丘比丘夏中無因緣遊行他國波逸提波逸
提者燒煮覆障若不悔過能障礙道是中犯
者若比丘比丘夏中無因緣遊行他國波逸提

隨遊行隨得尔所波逸提

九十五
事竟

佛在王舍城自恣竟二月遊行他國舍利弗
目連阿那律難提金毗羅等諸大弟子皆從
佛遊行他國是諸比丘住不去諸居士呵
責言佛王舍城自恣竟二月遊行他國與大
弟子舍利弗目連阿那律難提金毗羅等遊
行諸比丘住不去不善小女不欲出是房舍
是中有比丘住少欲知足行頭陀聞是事心
不喜向佛廣說佛以是事集二部僧知而故
問諸比丘尼汝等實尔不荅言實尔世尊佛
以種種因緣呵責云何名比丘住自恣竟不
遊行餘處一宿種種因緣呵已語諸比丘以

十利故與比丘尼結戒從今是戒應如是說
若比丘尼自恣竟不遊行餘處一宿波逸提
波逸提者燒煮覆障若不悔過能障礙道是
中犯者若比丘尼自恣竟不遊行餘處一宿
波逸提九十六隨不去隨得事竟亦所波逸提

佛在舍衛國介時憍薩羅國主波斯匿王有

小國反王集四種兵象兵馬兵車兵步兵集
四兵已王自往伐諸比丘尼從憍薩羅國遊
行向舍衛國道中見是軍是比丘尼衆中有
長老知法比丘尼言我等小避諸年少比丘
尼言何故避去波斯匿王信佛法王子祇陀
居士給孤獨居士師達多富羅那等皆信佛法誰

能遮我等者但當直去語已直去爲前軍人
所剥脫裸形諸比丘及白王言前軍人剥脫
我等王言此兵衆我悉供給聚落金銀廩賞
余乃鬪耳今奪汝衣不可還得今國土內有
兵衆汝等何以遊行若佛聞者必當與汝結
戒國內疑處畏處不應遊行是中有比丘尼
少欲知足行頭陀聞是事心不喜向佛廣說
佛以是事集二部僧知而故問諸比丘尼汝
實作是事不荅言實作世尊佛以種種因緣
呵責言云何名比丘尼國內疑處畏處遊行
種種因緣呵已語諸比丘以十利故與比丘
尼結戒從今是戒應如是說若比丘尼國內

疑處畏處遊行波逸提波逸提者燒者煮覆障
若不悔過能障礙道是中犯者若比丘尼國
內疑處畏處遊行波逸提隨遊行隨得波逸

提

九十七
事竟

佛在王舍城亦時阿闍世王國界邊有小國
反集四種兵象兵馬兵車兵步兵集四兵已
王自往伐諸比丘尼從跋耆國向王舍城道
中見王軍是中有長老比丘尼知法遙見軍
來言我等避去諸年少不知法比丘尼言何
苦是阿闍世王信佛法阿婆跋隨童子耆婆
童子阿盧耶皆信敬佛法我等但當直去語
已直去為前行軍人剝脫軀形諸比丘尼白

王言前行軍人剝脫我等王言此諸兵衆我
悉供給聚落金銀廩賞余乃聞耳今奪汝等
衣不可還得今國外疑處畏處汝等何以遊
行若佛聞是事必當與汝結戒諸比丘尼國
外疑處畏處不應遊行是中有比丘尼少欲
知足行頭陀聞是事心不喜向佛廣說佛以
是事集二部僧知而故問諸比丘尼汝實作
是事不答言實作世尊佛以種種因緣呵責
言云何名比丘尼國外疑處畏處遊行種種
因緣呵已語諸比丘以十利故與比丘尼結
戒從今是戒應如是說若比丘尼國外疑處
畏處遊行波逸提波逸提者燒煮覆障若不

悔過能障礙道是中犯者若比丘尼國外疑
處畏處遊行波逸提隨遊行隨得尔所波逸

提

九十八
事竟

佛在舍衛國尔時迦羅比丘尼本是外道喜
行遊觀是比丘尼早起到天祠中伎樂舍論
法舍出家舍看畫彩舍諸居士呵責言諸比
丘尼自言善好有功德故往看畫舍如外道
女是中有一比丘尼少欲知是行頭陀聞是事
心不喜向佛廣說佛以是事集二部僧知而
故問迦羅比丘尼汝實作是事不答言實作
世尊佛以種種因緣呵責言云何名比丘尼
故往看畫舍種種因緣呵已語諸比丘以十

利故與比丘尼結戒從今是戒應如是說若
比丘尼故往看盡舍波逸提波逸提者燒煮
覆障若不悔過能障礙道是中犯者若比丘
尼故往看盡舍能得見者波逸提不得見者
突吉羅若從下至高處能得見者波逸提不
得見者突吉羅若從高至下能得見者波逸

提不能得見者突吉羅若不故往道由中過

者不犯

九十九
事竟

佛在王舍城尔時助調達比丘尼舊住有善
好比丘尼是客時舊比丘尼往迎與持衣鉢
共相問訊與湯洗脚與油塗足與好床榻客
比丘尼言然燈舊比丘尼言欲作何等客比

丘尼言初夜當坐禪誦經唵呪願舊比丘尼
言汝等行路疲極但當卧作是語已即便自
卧客比丘尼作是念我等云何初夜不坐禪
不誦經唵不呪願便卧即然燈坐禪誦經唵
呪願竟欲卧助調達比丘尼聞聲已覺問言
善女汝作何物荅言我等坐禪誦經唵呪願
竟欲卧舊比丘尼言善女睡無果無報佛讚
不睡眠呵責睡眠今我等覺不卧不睡眠即
展一脚坐善比丘尼思惟我等云何於燈明
中卧舊比丘尼於中夜分坐禪誦經唵呪願
至後夜分便卧客比丘尼作是思惟我等云
何後夜分卧客比丘尼道路疲極竟夜不得

卧故身體不安是中有比丘尼少欲知足行
頭隨聞是事心不喜呵責言云何名比丘尼
先住者惱後住者種種因緣呵已向佛廣說
佛以是事集二部僧知而故問是比丘尼汝
實作是事不答言實作世尊佛以種種因緣
呵責言云何名比丘尼先住惱後住者佛以
種種因緣呵已語諸比丘以十利故與比丘
尼結戒從今是戒應如是說若比丘尼先住
惱後住者波逸提波逸提者燒煮覆障若不
悔過能障礙道是中犯者若比丘尼先住惱
後住者波逸提隨惱隨得尔所波逸提一百事
佛在舍衛國尔時諸善比丘尼是舊助調達

比丘尼是客舊比丘尼見客比丘尼來出迎
問訊代擔衣鉢與湯洗脚以油塗足與床卧
具舊比丘尼言善女然燈客比丘尼言莫然
燈我道路疲極不得坐禪誦經唄呪願我等欲
卧舊比丘尼思惟我等云何初夜不坐禪不
誦經唄不呪願便卧即起然燈坐禪誦經唄呪願
已欲卧客比丘尼聞是聲覺作是言善女欲
作何等答言我等坐禪竟欲卧客比丘尼言睡
眠無果無報佛讚歎不睡眠法呵責睡眠我
等覺今不睡即然燈坐禪舊比丘尼思惟我
等云何燈明中卧客比丘尼中夜分坐禪竟
至後夜分便卧舊比丘尼思惟我等云何後

夜分卧以是故竟夜不卧身不安隱是中有
比丘尼少欲知足行頭陀聞是事心不喜種
種因緣呵責言云何名比丘尼後任惱前任
者種種因緣呵已向佛廣說佛以是事集二
部僧知而故問客比丘尼汝實作是事不答
言實作世尊佛以種種因緣呵責言云何名
比丘尼後任惱前任比丘尼種種因緣呵已
語諸比丘以十利故與比丘尼結戒從今是
戒應如是說若比丘尼後任惱前任者波逸
提波逸提者燒煮覆障若不悔過能障礙道
是中犯者若比丘尼後任惱前任者波逸提
隨惱隨得尔所波逸提

佛在舍衛國。尔時偷蘭難陀比丘尼有共活
比丘尼病苦。偷蘭難陀比丘尼棄到餘聚落
恐須供給看病人。故諸比丘尼往到病比丘
尼所言。偷蘭難陀。所有作事。汝悉與作。汝今
病苦。何不看汝病。比丘尼言。偷蘭難陀。比丘
尼當能供給我耶。恐須看我。故棄捨我去。是
中有比丘尼少欲知足。行頭陀。聞是事。心不
喜。種種因緣。呵責言云。何名比丘尼共活。比
丘尼病苦。棄至餘聚落。種種因緣。呵已。向佛
廣說。佛以是事。集二部僧。知而故問。偷蘭難
陀。汝實作是事。不荅言。實作。世尊。佛以種種
因緣。呵責言云。何名比丘尼共活。比丘尼病

苦棄至餘聚落種種因緣呵已語諸比丘以
十利故與比丘尼結戒從今是戒應如是說
若比丘尼共活比丘尼病苦不供給波逸提
波逸提者燒煮覆障若不悔過能障礙道是
中犯者若比丘尼共活比丘尼病苦不供給
波逸提隨不供給隨得亦所波逸提

一百二
事竟

佛在舍衛國介時長老。大迦葉中前著衣持
鉢入一居士家為乞食。故時所立處有居士
婦遙見大迦葉。即起出迎。偷蘭難陀先在其
舍。遙見大迦葉不起。是居士婦以手接足。頭
面禮長老。摩訶迦葉已洗手。取鉢盛滿飯。以
羹澆上。與大迦葉持去。居士婦到偷蘭難陀。

所言汝知是長老大迦葉是佛大弟子天人
所敬良祐福田汝若起迎者有何惡事偷蘭
難陀言大迦葉本是外道婆羅門汝所貴敬
非我所尊居士婦瞋呵責言諸比丘尼自言
善好有功德見比丘來不起如外道女是中
有比丘尼少欲知足行頭陀聞是事心不喜
向佛廣說佛以是事集二部僧知而故問汝
實作是事不荅言實作世尊佛以種種因緣
呵責言云何名比丘尼見比丘來不起種種
因緣呵已語諸比丘以十利故與比丘尼結
戒從今是戒應如是說若比丘尼見比丘來
不起波逸提波逸提者燒煮覆障若不悔過

能障礙道是中犯者若比丘尼見比丘來不

起波逸提隨不起隨得介所波逸提事一百三

佛在舍衛國介時長老迦留陁夷常出入一

家中前著衣持鉢到其舍有比丘尼名瘦瞿

曇彌先在是家遙見迦留陁夷來即起出迎

入示坐處共相問訊頭面禮足前叉手立迦

留陁夷爲說法久是比丘尼迷悶眼闔倒地

居士婦即以水灑面還得本心居士婦言汝

何所患苦何所憂愁荅言我無病無憂愁但

久立住故迷悶倒地諸比丘尼以是事白佛

佛以是事集二部僧種種因緣讚戒讚持戒

讚戒讚持戒已語諸比丘以十利故與比丘

尼結戒從今是戒應如是說若比丘尼不問
比丘便坐者波逸提波逸提者燒煮覆障若
不悔過能障礙道是中犯者若比丘尼不問
比丘輒坐者波逸提隨不問坐隨得亦所波

逸提

事竟一百四

佛在舍衛國介時諸比丘尼欲遊行他國白
王言我等欲遊行他國王當為我約勅諸國
莫令人民遮道惱我王即遣使約勅四方莫
惱諸比丘尼供給所須飲食燈燭諸比丘尼
遊行次到無僧坊聚落至一居士家欲宿語
居士言汝出舍去我於中宿居士言善女我
在自舍教我何去比丘尼重言汝但出去汝

欲惱我欺我耶汝若不去者我有官力令汝
得惱居士作是思惟諸比丘尼爲王所護有
官力勢或當惱我作是念已怖畏即出是居
士老瘦無力於冬寒時出舍垂死諸居士呵
責言云何諸比丘尼自言善好有功德不問
主人便敷卧處如王夫人大臣婦是中有比
丘尼少欲知足行頭陀聞是事心不喜向佛
廣說佛以是事集二部僧知而故問汝實作
是事不荅言實作也尊佛以種種因緣呵責
言云何名比丘尼不問主人便敷卧具種種
因緣呵已語諸比丘以十利故與比丘尼結
戒從今是戒應如是說若比丘尼不問主人

便敷卧具若使人敷波逸提波逸提者燒煮
覆障若不悔過能障礙道是中犯者若比丘
尼不問主人若自敷卧具波逸提若使人敷
波逸提隨不問自敷使人敷隨得尔所波逸

提

一百五
事竟

佛在舍衛國尔時諸比丘尼欲共諸比丘等
作是言汝等五歲不依止他我等亦如是汝
等十歲畜弟子我等亦尔有何差別是中有
比丘尼少欲知足行頭陀聞是事心不喜種
種因緣呵責向佛廣說佛以是事集二部僧
知而故問諸比丘尼汝等實作是事不答言
實作世尊佛以種種因緣呵責言云何名比

丘尼輕大衆種種因緣呵已語諸比丘從今
聽諸比丘尼受大戒滿六歲不依止他不滿
六歲依止他十二歲得畜衆以十利故與比
丘尼結戒從今是戒應如是說若比丘尼不
滿十二歲畜衆者波逸提波逸提者燒煮覆
障若不悔過能障礙道是中犯者若比丘尼
不滿十二歲畜衆者波夜提隨畜隨得尔所

波逸提

百六
事竟

佛在舍衛國尔時偷蘭難陀比丘尼滿十二
歲欲畜衆語諸比丘尼我受大戒滿十二歲
今欲畜衆當作何等語比丘尼以是事白佛
佛言汝等當爲偷蘭難陀比丘尼作畜衆羯

磨若更有如是比丘尼亦應與作畜衆羯磨
畜衆羯磨法者一心和合比丘尼僧偷蘭難
隨比丘尼應從坐起偏袒右肩脫革屣胡跪
合掌作如是言大德尼僧聽我偷蘭難隨比
丘尼受大戒滿十二歲欲畜衆今從僧乞畜
衆羯磨僧爲我偷蘭難隨比丘尼作畜衆羯
磨僧憐愍故第二第三亦如是乞尔時一比
丘尼應僧中唱言大德尼僧聽是偷蘭難隨
比丘尼受大戒滿十二歲欲畜衆是偷蘭難
隨比丘尼從僧中乞畜衆羯磨若僧時到僧忍
聽僧今與偷蘭難隨比丘尼作畜衆羯磨是
名白如是白四羯磨僧與偷蘭難隨比丘尼

作畜衆羯磨竟僧忍默然故是事如是持以
十利故與比丘尼結戒從今是戒應如是說
若比丘尼滿十二歲未作畜衆羯磨畜衆者
波逸提波逸提者燒煮覆障若不悔過能障
礙道是中犯者若比丘尼滿十二歲未作畜
衆羯磨畜衆者波逸提隨畜隨得亦所波逸

提一百七
事竟

佛在舍衛國介時偷蘭難陀比丘尼畜不滿
十二歲已嫁女作衆是中有比丘尼少欲知
足行頭陀聞是事心不喜種種因緣呵責言
云何名比丘尼畜未滿十二歲已嫁女作衆
種種因緣呵已向佛廣說佛以是事集二部

僧知而故問偷蘭難陀比丘尼汝實作是事
不荅言實作世尊佛以種種因緣呵責言云
何名比丘尼畜未滿十二歲已嫁女作衆種
種因緣呵已語諸比丘以十利故與比丘尼
結戒從今是戒應如是說若比丘尼畜未滿
十二歲已嫁女作衆波逸提波逸提者燒煮

覆障若不悔過能障礙道是中犯者若比丘
尼畜未滿十二歲已嫁女作衆波逸提隨畜

隨得波逸提

事竟一百八

佛在舍衛國尔時偷蘭難陀比丘尼滿十二
歲已嫁女未作屬和上尼羯磨便畜作衆是
中有比丘尼少欲知足行頭陀聞是事心不

喜種種因緣呵責云何名比丘尼滿十二歲
已嫁女未作屬和上尼羯磨便畜作衆種種
因緣呵已向佛廣說佛以是事集二部僧知
而故問汝實作是事不荅言實作世尊佛以
種種因緣呵責言云何名比丘尼滿十二歲
已嫁女未作屬和上尼羯磨便畜作衆種種
因緣呵已語諸比丘以十利故與比丘尼結
戒從今是戒應如是說若比丘尼滿十二歲
已嫁女未作屬和上尼羯磨便畜作衆波逸
提波逸提者燒煮覆障若不悔過能障礙道
是中犯者若比丘尼滿十二歲已嫁女未作
屬和上尼羯磨便畜作衆波逸提隨畜隨得

尔所波逸提

一百九
事竟

佛在舍衛國尔時偷蘭難陀比丘尼畜衆不
教誡不爲說法弟子白言和上何以不教化
我不爲說法荅言我不教化汝不爲說法弟
子以是事向諸比丘尼說諸比丘尼以是事
向佛廣說佛以是事集二部僧知而故問偷
蘭難陀比丘尼汝實作是事不荅言實作世
尊佛以種種因緣呵責言云何名比丘尼畜
衆不教化不爲說法種種因緣呵已語諸比
丘尼汝等爲偷蘭難陀作止羯磨若更有如
是者亦應與作止羯磨作止羯磨法者一心
和合僧一比丘尼僧中唱言大德尼僧聽偷

蘭難陀比丘居畜弟子不教化不爲說法若
僧時到僧忍聽僧與偷蘭難陀作止羯磨汝偷
蘭難陀莫復畜衆是名白如是白二羯磨僧
與偷蘭難陀作止畜衆羯磨竟僧忍默然故
是事如是持以十利故與比丘尼結戒從今
是戒應如是說若比丘尼僧與作止羯磨畜
衆者波逸提波逸提者燒煮覆障若不悔過
能障礙道是中犯者若比丘尼僧與作止羯
磨畜衆者波逸提隨畜隨得波逸提十一事竟

六法壇文

佛在舍衛國介時舍衛城有居士婦名和羅
呵大富多財田宅種種富相成就是居士婦

以無常因緣故財物失盡家人分散唯一身
在是居士婦有娠以憂愁失親里財物夫婿
故身自消瘦兒胎小縮作是念我腹中兒若
死若爛又作是念諸福德樂人無過沙門釋
子我當是中出家作比丘尼便往詣王園精
舍作比丘尼是人出家歡樂肥故腹漸漸大
諸比丘尼驅出僧坊汝犯姪人莫住此間荅
言我出家來不作姪欲先在家時有娠諸比
丘尼以是事向佛廣說佛語諸比丘尼汝莫
說是比丘尼是事是比丘尼非破梵行先白
衣時有娠從今聽沙彌尼二歲學六法可知
有娠無娠受六法者若沙彌尼初來應教次

第頭面人人禮僧足禮僧足已次應乞和上
尼戒師應教言我沙弥尼某甲求尊為和上
尼尊為我作和上尼故僧當與我二歲學戒
第二亦應言我沙弥尼某甲求尊為和上尼
尊為我作和上尼故僧當與我二歲學戒第
三亦應言我沙弥尼某甲求尊為和上尼尊
為我作和上尼故僧當與我二歲學戒一比
丘尼應問和上尼能為某甲作和上尼不若
言能即應將至界場內著眼見處離聞處
尔時應問僧和合不僧一心和合當作僧事
是和上尼某甲沙弥尼某甲僧當與二歲學
戒第二亦應言僧一心和合當作僧事是和

上尼某甲沙弥尼某甲僧當與二歲學戒第
三亦應言僧一心和合當作僧事是和上尼
某甲沙弥尼某甲僧當與二歲學戒若僧一
心和合者應喚沙弥尼來教一一禮比丘尼
僧足頭面禮足已次應教令從僧乞二歲學
戒作是言我沙弥尼某甲因和上尼某甲從
僧乞二歲學戒因和上尼某甲僧當與我二
歲學戒和上尼某甲憐愍故第二亦應言我
沙弥尼某甲因和上尼某甲從僧乞二歲學
戒因和上尼某甲僧當與我二歲學戒和上
尼某甲憐愍故第三亦應言我沙弥尼某甲
因和上尼某甲從僧乞二歲學戒因和上尼

某甲僧當與我二歲學戒和上尼某甲憐愍
故即時戒師應僧中唱言大德尼僧聽是沙
彌尼某甲因和上尼某甲從僧乞二歲學戒
和上尼某甲若僧時到僧忍聽僧與沙彌尼
某甲二歲學戒和上尼某甲如是白大德尼
僧聽是沙彌尼某甲從僧乞二歲學戒和上
尼某甲僧今與沙彌尼某甲二歲學戒和上
尼某甲誰諸尼僧忍與沙彌尼某甲二歲學
戒和上尼某甲者默然若不忍者說是名初
羯磨第二更說大德尼僧聽是沙彌尼某甲
從僧乞二歲學戒和上尼某甲僧今與沙彌
尼某甲二歲學戒和上尼某甲誰諸尼僧忍

與沙弥尼某甲二歲學戒和上尼某甲者默然若不忍者說是名第二羯磨第三更說大德尼僧聽是沙弥尼某甲從僧乞二歲學戒和上尼某甲僧今與沙弥尼某甲二歲學戒和上尼某甲誰諸尼僧忍與沙弥尼某甲二歲學戒和上尼某甲者默然若不忍者說是名第三羯磨僧已與沙弥尼某甲二歲學戒竟僧忍默然故是事如是持

即時爲說式叉摩尼六法汝式叉摩尼聽佛世尊多陀阿伽度阿羅呵三耶三佛陀是知者見者說式叉摩尼六法汝式叉摩尼盡形受行佛世尊種種因緣呵欲欲想欲欲覺

欲熱佛說斷欲除欲想滅欲熱若式義摩尼
入式義摩尼法不捨戒戒羸不出相隨心法受
姪欲乃至共畜生是非式義摩尼非沙門尼
非釋女失式義摩尼法是事盡形不應作若
能持者當言能

佛世尊以種種因緣呵責偷奪讚歎不偷奪
乃至一條縷一寸納一涕油不與不應取是
中佛制極少至五錢若五錢直若式義摩尼
隨所偷事若王捉若打若縛若擯出若作是
言汝賊汝小兒汝癡汝墮官罪若式義摩尼
如是偷奪者非式義摩尼非沙門尼非釋女
失式義摩尼法是事盡形不應作若能持者

當言能

佛世尊種種因緣呵責殺生讚歎離殺乃至
蟻子尚不應故奪命何況於人若式義摩尼
故自手奪人命若與刀若教死歎死作是言
咄人用惡活爲死勝生隨是人意種種因緣
教死歎死若作憂多殺作頭多殺作搯作網
作撥若作毗陀羅若作似毗陀羅若斷氣殺
若墮胎殺若按腹殺若推著火中水中從高
推下若遣使道中殺若母腹中初受二根身
根命根迦羅羅中生惡心方便令奪命若以
是因緣死者是非式義摩尼非沙門尼非釋
女失式義摩尼法是事盡形不應作若能持

者當言能

佛種種因緣呵責妄語讚歎不妄語乃至戲
笑尚不應妄語何況故妄語若式叉摩尼不
知不見過人法自言我如是知如是見我是
阿羅漢向阿羅漢我是阿那含向阿那含若
斯陀含向斯陀含若須陀洹向須陀洹若得
初禪第二禪第三禪第四禪若得慈悲喜捨
無量心若得無色空處定識處定無所有處
定非想非非想處定若得不淨觀阿那般那
念諸天來到我所諸龍夜叉薜荔伽毗舍闍
鳩槃荼羅刹來到我所彼問我我答彼我問
彼彼答我若式叉摩尼如是妄語者非式叉

摩尼非沙門尼非釋女失式義摩尼法是事
盡形不應作若能持者當言能

佛種種因緣呵欲欲想欲欲覺欲熱佛說
斷欲除欲想滅欲熱若式義摩尼有漏心聽
漏心男子邊髮際至腕膝已上裸身受細滑若
順身摩若逆摩若推若牽若從下抱著上若
從上抱著下若捺瘡是非式義摩尼非沙門
尼非釋女失式義摩尼法若犯者可更受是
中盡形不應作汝能持不若能持當言能
佛種種因緣呵欲欲想欲欲覺欲熱讚歎
斷欲除欲想滅欲熱若式義摩尼漏心聽漏
心男子邊若受捉手若捉衣若共立若共語

若共期若入屏處若待男子若自身與如在
家女法以此八事自身與是非式義摩尼非
沙門尼非釋女失式義摩尼法若犯可更受
是中盡形不應作汝能持不若能當言能汝
某甲聽僧已與汝學式義摩尼受持六法名
式義摩尼汝得具滿和上尼具滿阿闍梨尼
具滿比丘尼僧得具滿行處得具滿國土得
轉輪王願汝今已滿當恭敬三寶佛寶法寶
僧寶和上尼阿闍梨尼恭敬上中下座當勤
三學善戒學善定學善慧學當脩三脫門空
無相無作當勤三業坐禪誦經勸化作福行
是諸法開涅槃門得須陀洹果斯陀含果阿

那含果阿羅漢果如蓮華在水中日日增長

開敷汝亦如是增長道法後當受具足戒

釋師子法中 已獲難得戒 無難時難得

已得勿使空 頭面禮僧足 右遶歡喜去

以十利故與比丘尼結戒從今是戒應如是

說若比丘尼弟子不二歲學六法畜為眾者

波逸提波逸提者燒煮覆障若不悔過能障

礙道是中犯者若比丘尼弟子不二歲學六

法便畜為眾波逸提隨畜隨得波逸提一百

一事

佛在舍衛國今時偷蘭難陀比丘尼弟子二

歲學六法未作屬和上尼羯磨便畜為眾是

中有比丘尼少欲知足行頭陀聞是事心不
喜種種因緣呵責言云何名比丘尼弟子二
歲學六法未作屬和上尼羯磨便畜為衆種
種因緣呵已向佛廣說佛以是事集二部僧
知而故問偷蘭難陀比丘尼汝實作是事不
答言實作世尊佛以種種因緣呵責云何名
比丘尼為弟子二歲學六法未作屬和上尼
羯磨便畜為衆種種因緣呵已語諸比丘以
十利故與比丘尼結戒從今是戒應如是說
若比丘尼弟子二歲學六法未作屬和上尼
羯磨便畜為衆波逸提波逸提者燒者覆障
若不悔過能障礙道是中犯者若比丘尼弟

子二歲學六法者未作屬和上尼羯磨便畜

為衆波逸提隨畜隨得波逸提

一百十
二事竟

佛在舍衛國尔時諸比丘尼為畜衆故受勤
苦為浣衣染衣割截簪縫諸弟子受大戒竟
捨和上尼去諸比丘尼聞是事呵責言是不
吉弊女我為汝浣衣染衣割截簪縫受
大辛苦受大戒已便捨我去種種因緣呵已
向佛廣說佛以是事集二部僧語諸比丘從
今聽比丘尼二歲隨逐和上尼以十利故與
比丘尼結戒從今是戒應如是說若比丘尼
受大戒已不二歲隨和上尼波逸提波逸提
者燒煮覆障若不悔過能障礙道是中犯者

若比丘尼受大戒已不二歲隨和上尼波逸

提隨不隨逐和上尼隨得波逸提

三百一十三事竟

佛在舍衛國尔時偷蘭難陀比丘尼畜眾不
與財法諸弟子言和上尼何不與我等財法
偷蘭難陀比丘尼言我不與汝等財法諸弟
子言若不以財法與我等者當餘處去偷蘭
難陀言佛結戒汝等應二歲隨逐我若餘處
去得波逸提罪是中有比丘尼少欲知足行
頭陀聞是事心不喜種種因緣呵責言云何
名比丘尼畜弟子不與財法種種因緣呵已
向佛廣說佛以是事集二部僧知而故問汝
實作是事不答言實作世尊佛以種種因緣

呵責云何名比丘尼畜弟子不與財法種種
因緣呵已語諸比丘以十利故與比丘尼結
戒從今是戒應如是說若比丘尼畜弟子不
與財法波逸提波逸提者燒煮覆障若不悔
過能障礙道是中犯者若比丘尼畜衆不與
財法波逸提隨不與隨得波逸提

百一十四事竟

佛在舍衛國尔時偷蘭難陀比丘尼畜婬女
爲衆是婬女比丘尼中前著衣持鉢入舍衛
城乞食是中有居士作是言我曾共是比丘
尼作如是如是事此比丘尼聞是事心不喜
向諸比丘尼說諸比丘尼以是事向佛廣說
佛以是事集二部僧知而故問偷蘭難陀比

丘尼汝實作是事不荅言實作世尊佛以種
種因緣呵責言云何名比丘尼畜婬女為衆
種種因緣呵已語諸比丘尼從今不應畜婬女
為衆畜者突吉羅若有因緣畜者應將遠本
處五由延若六由延以十利故與比丘尼結
戒從今是戒應如是說若比丘尼畜婬女為
衆不遠本處五六由延波逸提波逸提者燒
煮覆障若不悔過能障礙道是中犯者若比
丘尼畜婬女為衆不遠本處五六由延波逸
提隨不遠去隨得波夜提

百一十
五事竟

佛在舍衛國今時偷蘭難陀比丘尼畜未滿
二十歲童女為衆是中有比丘尼少欲知足

行頭陀聞是事心不喜種種因緣呵責去何
名比丘尼畜未滿二十歲童女爲衆種種因
緣呵已向佛廣說佛以是事集二部僧知而
故問偷蘭難陀比丘尼汝實作是事不荅言
實作世尊佛以種種因緣呵責去何名比丘
尼畜未滿二十歲童女爲衆種種因緣呵已

語諸比丘以十利故與比丘尼結戒從今是
戒應如是說若比丘尼畜未滿二十歲童女
爲衆波逸提波逸提者燒煮覆障若不悔過
能障礙道是中犯者若比丘尼畜未滿二十
歲童女爲衆波夜提隨畜隨得波逸提

六事
竟

一百一十

佛在舍衛國。尔時偷蘭難陀比丘尼未作屬
和上尼羯磨畜二十歲童女爲衆。是中有比
丘尼少欲知足行頭陀。聞是事心不喜。種種
因緣呵責云。何名比丘尼未作屬和上尼羯
磨畜二十歲童女爲衆。種種因緣呵已向佛
廣說。佛以是事集二部僧知。而故問偷蘭難
陀比丘尼。汝實作是事不。答言實作。世尊佛
以種種因緣呵責云。何名比丘尼未作屬和
上尼羯磨畜滿二十歲童女爲衆。種種因緣
呵已語諸比丘。以十利故與比丘尼結戒。從
今是戒應如是說。若比丘尼滿二十歲童女
未作屬和上尼羯磨畜爲衆者。波逸提。波逸

提者燒煮覆障若不悔過能障礙道是中犯
者若比丘尼未作屬和上尼羯磨畜滿二十
歲童女爲衆波逸提隨畜隨得波逸提十百七

竟事

佛在舍衛國舍時偷蘭難陀比丘尼畜孝女
爲衆是孝女比丘尼不誦經不問答不坐禪
諸比丘尼問言汝何以不讀誦經問答坐禪
答言諸善女我父死母死兄死弟死姊妹兒
女死夫婿死故憂愁云何能讀誦經問答坐
禪是中有比丘尼少欲知足行頭陀聞是事
心不喜種種因緣呵責云何名比丘尼畜孝
女爲衆種種因緣呵已向佛廣說佛以是畜

集二部僧知而故問偷蘭難陀比丘尼汝嘗
作是事不荅言實作世尊佛以種種因緣呵
責言云何名比丘尼畜孝女為衆種種因緣
呵已語諸比丘以十利故與比丘尼結戒從
今是戒應如是說若比丘尼畜孝女為衆波
逸提波逸提者燒煮覆障若不悔過能障礙
道是中犯者若比丘尼畜孝女為衆波逸提
隨畜隨得波逸提百一十
八事竟
佛在舍衛國介時偷蘭難陀比丘尼畜有男
女自隨女人為衆是比丘尼中前著衣持鉢男
女前後圍遶共行乞食諸居士共相謂言汝
知不諸沙門釋子作姪欲人共比丘尼僧訪

中生兒女是中。有比丘尼少欲知足行頭陀。聞是事心不喜。種種因緣呵責言云。何名比丘尼畜。將男女自隨。女人爲衆。種種因緣呵責。已向佛廣說。佛以是事集二部僧知而故問。偷蘭難陀比丘尼。汝實作是事。不荅言實作。世尊佛以種種因緣呵責云。何名比丘尼畜。將男女自隨。女人爲衆。種種因緣呵責。諸比丘以十利故與比丘尼結戒。從今是戒。應如是說。若比丘尼畜有男女自隨。女人爲衆。波逸提。波逸提者。燒煮覆障。若不悔過。能障礙道。是中犯者。若比丘尼畜有男女自隨。女人爲衆。波逸提。隨畜隨得。波逸提。

佛在舍衛國。尔時偷蘭難陀比丘尼畜惡性
女人為衆。是中有比丘尼少欲知足行頭陀
聞是事。心不喜。種種因緣呵責言云。何名比
丘尼畜惡性女人為衆。種種因緣呵已。向佛以
說。佛以是事集二部僧。知而故問偷蘭難陀
比丘尼。汝實作是事。不荅言實。作世尊。佛以
種種因緣呵責云。何名比丘尼畜惡性女人
為衆。種種因緣呵已。語諸比丘。以十利。故與
比丘尼結戒。從今是戒。應如是說。若比丘尼
畜惡性女人為衆。波逸提。波逸提者。燒煮覆
障。若不悔過。能障礙道。是中犯者。若比丘尼
畜惡性女人為衆。波逸提。隨得波逸提。

佛在舍衛國介時偷蘭難陀比丘尼滿二十
歲童女不二歲學六法畜為眾是中有比丘
尼少欲知足行頭陀聞是事心不喜種種因
緣呵責言云何名比丘尼滿二十歲童女不
二歲學六法畜為眾種種因緣呵已向佛廣
說佛以是事集二部僧知而故問偷蘭難陀
比丘尼汝實作是事不荅言實作世尊佛以
種種因緣呵責云何名比丘尼滿二十歲童
女不二歲學六法畜為眾種種因緣呵已語
諸比丘以十利故與比丘尼結戒從今是戒
應如是說若比丘尼滿二十歲童女不二歲

學六法畜為衆波逸提波逸提者燒煮覆障
若不悔過能障礙道是中犯者若比丘尼滿
二十歲童女不二歲學六法畜為衆者波逸
提隨畜隨得波逸提尔時諸比丘尼知去何
為六法佛言共四波羅夷及髮際至腕膝以
上受八事示貪著相是名六法一百二十
一事竟

佛在舍衛國尔時偷蘭難陀比丘尼滿二十
歲童女二歲學六法不作屬和上尼羯磨畜
為衆是中有比丘尼少欲知足行頭陀聞是
事心不喜種種因緣呵責云何名比丘尼滿
二十歲童女二歲學六法不作屬和上尼羯
磨畜為衆種種因緣呵責已向佛廣說佛以

是事集二部僧知而故問偷蘭難陀比丘尼
汝實作是事不荅言實作世尊佛以種種因
緣呵責云何名比丘尼滿二十歲童女二歲
學六法不作屬和上尼羯磨便畜為衆種種
因緣呵已語諸比丘以十利故與比丘尼結
戒從今是戒應如是說若比丘尼滿二十歲
童女二歲學六法不作屬和上尼羯磨便畜
為衆波逸提波逸提者燒煮覆障若不悔過
能障礙道是中犯者若比丘尼滿二十歲童
女二歲學六法不作屬和上尼羯磨便畜為
衆波逸提隨畜隨得波逸提

一百二十
二事竟

十誦律卷第四十四

天祠

詞下音

滂

滴字

咄

一反

骨

作

撥

下必

推

著

上

以

反土

薜荔

上音蒲

閑

反字

捺

反奴

達

簪

縫

上

作

廩

力

錦

反

